

# 齐桓公伐楚盟屈完

僖公四年

## 左 传

春、齐侯以诸侯之师侵蔡。蔡溃。会，遂伐楚。无钟鼓曰侵。有钟鼓曰伐。民逃其上曰溃。○看齐来楚踪迹、便不正大。楚子

使与师言曰、君处北海、寡人处南海、唯是风马牛不相及也。牛走顺风、马走逆风、两不相及、喻齐楚

不相干也。不虞君之涉吾地也、何故。问得冷隽。绝不以齐为意。妙。管仲对曰、昔召邵、康公命我先

君太公曰、召康公、周太保召公奭也。太公吕望、齐始封之君也。五侯九伯、女汝、实征之、以夹辅周室。五侯、五等诸侯。九伯、九州伯长。

○一援王命、破不相及句。赐我先君履、东至于海、西至于河、南至于穆陵、北至于无棣。

第、○履、所践履之地。穆陵、无棣、皆齐境。言其所赐之履、不限地界也。○二宣赐履、破涉吾地句。尔贡包茅不入、王祭不共、无以缩酒、寡

人是征。昭王南征而不复、寡人是问。包、裹束也。茅、菁茅也。禹贡、荊州贡菁茅。缩酒、束茅立之祭前、而灌鬯酒其上、象神饮之也。征、问也。昭王、成王孙也。南

巡狩、渡汉水、船坏而溺死。○三举楚罪、破何故句。对曰、贡之不入、寡君之罪也、敢不共给。昭王之不复、

君其问诸水滨。昭王时、汉水非楚境、故不受罪。○管仲问罪之词、原开一条生路。故对便一认一推、恰好。问诸水滨一语、近谗。师进、次于陜。刑、○陜、楚地。颍州召陵县南有陜亭。

夏、楚子使屈完

楚大夫。

如师。

如，往也。使往齐师观兵势。

师退，次于召陵。

屈完请盟故也。楚不服罪，故齐师进。楚既请盟，故师退。

齐

侯陈诸侯之师、与屈完乘

去声。

而观之。

乘，共载也。○写齐总不正大。

齐侯曰、岂不谷是为、先

去声。

君之好

去声。

是继。与不谷同好、何如。

不谷，诸侯谦称。言诸侯之附从，非为我一人，乃是寻我先君之好。未知汝楚君肯与我同好否。○此处一番和缓、后复一番恐吓、霸术

往往如是。

对曰、君惠徼<sub>骄</sub>、福于敝邑之社稷、辱收寡君、寡君之愿也。

徼，求也。言我以君之惠、而得徼社稷之

福、使寡君见收于君。虽为君辱、实寡君之愿也。

齐侯曰、以此众战、谁能御之。以此攻城、何城不克。

前犹是挟天子以令诸侯、此

直是挟诸侯以令诸侯矣。宜乎其穷于屈完之对也。

对曰、君若以德绥诸侯、谁敢不服。君若以力、楚国方城

以为城、

方城之山、可用为城。

汉水以为池、

江汉之水、可用为池。

虽众、无所用之。

齐桓说攻说战、何等矜张。屈完只闲闲将以德以力两路合来、一扬一抑、又

何等安雅。

屈完及诸侯盟。

及诸侯盟、则非专与齐侯盟也、与篇首关应。

齐桓合八国之师以伐楚、不责楚以僭王猾夏之罪、而顾责以包茅不入、昭王不复、一则为罪甚细、一则与楚无干。何哉、盖齐之内失德、而外失义者多矣。我以大恶责之、彼必斥吾之恶以对、其何以服楚而对诸侯乎。故舍其所当责、而

及其不必责。霸者举动、极有收放、类如此也。篇中写齐处、一味是权谋笼络之态。写楚处、忽而巽顺、忽而严厉、节节生峰。真辞令妙品。